



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-26640-1-4.1./2022

Datum: 28.12.2022.godine

Mjesto: Sarajevo

Na osnovu člana 70. stav (3), a u vezi sa članom 64. stav (1) tačka a) Zakona o javnim nabavkama ("Službeni glasnik BiH", broj: 39/14 i 59/22), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17 i 68/22), člana 19. Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine i Zapisnika o pregledu i ocjeni ponuda sa preporukom Komisije, broj: 21084-2/2022 od 19.12.2022. godine, Uprava Društva na 77. sjednici, održanoj dana 28.12.2022.godine, donijela je:

ODLUKU
o izboru najpovoljnijeg ponuđača

I

Ugovor za javnu nabavku usluga – Periodični pregled i ispitivanje elektro i gromobranskih instalacija u Području infrastrukture i Prometno poslovnom području Mostar i Radionici Dobošnica, za potrebe Javnog preduzeća Željeznice Federacije Bosne i Hercegovine d.o.o. Sarajevo, tender broj: UD-21084-1/2022, dodjeljuje se ponuđaču TQM d.o.o. Lukavac sa cijenom od 11.000,00 KM (bez PDV-a), odnosno 12.870,00 KM (sa PDV-om).

II

Ugovor se dodjeljuje na osnovu člana 64. stav (1) tačka a) Zakona o javnim nabavkama ("Službeni glasnik BiH", broj: 39/14 i 59/22). tj. kriterija ekonomski najpovoljnije ponude.

III

Za realizaciju ove Odluke zadužuje se Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-20869-1-10.5./2022 od 07.10.2022. godine, odobrila pokretanje konkurentskog zahtjeva za dostavu ponuda za javnu nabavku usluga – Periodični pregled i ispitivanje elektro i gromobranskih instalacija u PI i PPP Mostar i Radionica Dobošnica, za potrebe Javnog preduzeća Željeznice Federacije Bosne i Hercegovine d.o.o. Sarajevo, tender broj: UD-21084-1/2022.

UIC 50

Bosna i Hercegovina

JP ŽFBiH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

Objavljeno o nabavci je objavljeno na portalu E - nabavki dana 15.11.2022. godine pod brojem: 1050-7-2-251-3-148/22.

Rješenjem Predsjednika Uprave - Generalnog direktora, broj: 1-21425-1/2022 od 12.10.2022. godine, imenovana je Komisija za nabavke (u daljem tekstu: Komisija) u sljedećem sastavu: Mahir Demir – predsjednik Komisije, Alem Mudžet – član i Jasmina Prasko – član. Za sekretara Komisije imenovana je Edina Karić.

Komisija za javne nabavke je dana 02.12.2022. godine u 09:00 sati izvršila javno otvaranje ponuda, te konstatovala da su do krajnjeg datuma za dostavu ponuda pristigle četiri ponude ponuđača i to:

Ponuda ponuđača PROINSPEKT d.o.o. Tuzla, koji je ponudio sljedeće:

Cijena: 7.980,00 KM (bez PDV-a), odnosno 9.336,60 KM (sa PDV-om),

Uslovi i način plaćanja: odgođeno, 60 dana od dana ispostave računa,

Rok izvršenja: 20 dana od dana ispostave narudžbenice

Ponuda ponuđača TQM d.o.o. Lukavac, koji je ponudio sljedeće:

Cijena: 11.000,00 KM (bez PDV-a), odnosno 12.870,00 KM (sa PDV-om),

Uslovi i način plaćanja: odgođeno, 60 dana od dana ispostave računa,

Rok izvršenja: 10 dana od dana ispostave narudžbenice

Ponuda ponuđača TEHNOINSPEKT d.o.o. Sarajevo, koji je ponudio sljedeće:

Cijena: 12.922,00 KM (bez PDV-a), odnosno 15.118,00 KM (sa PDV-om),

Uslovi i način plaćanja: odgođeno, 60 dana od dana ispostave računa,

Rok izvršenja: u skladu sa međusobnim dogovorom, prema potrebama Ugovornog organa

Ponuđač INSTITUT ZA ZAŠTITU I EKOLOGIJU RS-a Banja Luka

Cijena: 13.122,00 KM (bez PDV-a), odnosno 15.352,74 KM (sa PDV-om),

Uslovi i način plaćanja: odgođeno, 60 dana od dana ispostave računa,

Rok izvršenja: 60 dana od dana ispostave narudžbenice

Komisija je pristupila pregledu i ocjeni pristiglih ponuda te konstatovala sljedeće:

Ponuda ponuđača PROINSPEKT d.o.o. Tuzla formalno pravno ne ispunjava uslove tražene tačkom 2.2.9 pod c) tenderske dokumentacije, jer u istoj nije dostavljeno traženo Rješenje nadležnog ministarstva/institucije kojim se potvrđuje da je Ponuđač ovlašten za obavljanje poslova traženih tenderskom dokumentacijom i to vršenje poslova periodičnog pregleda i ispitivanja elektro i gromobranskih instalacija u formi originala ili ovjerena kopija od strane ovlaštene institucije (organ uprave ili notar), koja ne smije biti starija od 3 (tri) mjeseca, računajući od trenutka predaje ponude, već je dostavljeno Rješenje Federalnog ministarstva energije, rudarstva i industrije broj: UP/I-05-13-1-512/20 od 04.01.2021.godine, kojim se odobrava privrednom društvu TEKON PROTECTION d.o.o. Tuzla, obavljanje poslova traženih tenderskom dokumentacijom, što je u suprotnosti sa tačkom 3. pomenutog Rješenja, gdje je naloženo ovom privrednom društvu, da je isto dužno o svakoj bitnoj promjeni utvrđenih uslova za izdavanje ovog Rješenja, da u roku od 10 (deset) dana od kada je promjena nastupila obavijesti ovo Ministarstvo. Iz Rješenja o izmjenama podataka Općinskog suda u Tuzli broj: 032-0-Reg-22-000184 od 10.02.2022.godine, evidentno je da je došlo do promjene u Registru poslovnih subjekata kod Općinskog suda u Tuzli, te je umjesto starog subjekta upisa TEKON PROTECTION d.o.o. za zaštitu na radu, zaštitu od požara, kvalitet i ekologiju Tuzla, upisan poslovni subjekt PROINSPEKT d.o.o. za sigurnost i konsalting Tuzla. Na osnovu gore navedenog, evidentno je da Ponuđač nakon što je izvršio promjene u Registru poslovnih subjekata kod Općinskog suda u Tuzli, nije navedene promjene uskladio i sa

rešenjem Federalnog ministarstva energije, rudarstva i industrije, odnosno nije postupio u skladu sa tačkom 3. Rješenja Federalnog ministarstva energije, rudarstva i industrije broj: UP/I-05-13-1-512/20 od 04.01.2021.godine, tako da zbog očitih propusta ponuđača, navedena ponuda ne može biti prihvatljiva za Ugovorni organ. Također, ponuđač nije dostavio potpunu, potpisanu i ovjerenu Izjavu o obrazovnim i profesionalnim kvalifikacijama ponuđača, odnosno kvalifikacijama rukovodećih lica i naročito kvalifikacijama lica koja su odgovorna za pružanje konkretnih usluga. Nedostaju tačni podaci o traženim kvalifikacijama rukovodećih lica i naročito kvalifikacijama lica koja su odgovorna za pružanje konkretnih usluga (spisak radnika sa traženom kvalifikacionom strukturom zaposlenih kod ponuđača), a što je traženo tačkom 2.2.9 pod g) tenderske dokumentacije.

Ponuda se odbacuje u skladu sa članom 68. stav 4) pod i) Zakona o javnim nabavkama, jer ista nije potpuna i ne ispunjava zahtjeve iz tenderske dokumentacije.

Ponuda ponuđača TQM d.o.o. Lukavac je ocijenjena kao potpuna i prihvatljiva jer je ponuđač dostavio sve dokaze tražene tenderskom dokumentacijom.

Ponuda ponuđača TEHNOINSPEKT d.o.o. Sarajevo, za kontrolu kvaliteta i kvantiteta roba i usluga Sarajevo, formalno pravno ne ispunjava uslove tražene tačkom 2.2.9 pod b) tenderske dokumentacije, jer ponuđač nije dostavio ni jednu Potvrdu o uredno izvršenim ugovorima traženu tenderskom dokumentacijom, da uz spisak izvršenih ugovora iz oblasti predmetne nabavke, a čija je zbirna vrijednost najmanje jednaka procijenjenoj vrijednosti javne nabavke tj. u vrijednosti od 17.000,00 KM bez PDV-a, ponuđač je dužan dostaviti najmanje jednu ili više potvrda sa spiska izvršenih ugovora o predmetnoj nabavci koje daje druga ugovorna strana o realizaciji ugovora u vrijednosti od 17.000,00 KM bez PDV-a. Potvrda o uredno izvršenim ugovorima mora sadržavati naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. Također, ponuđač nije dostavio potpunu, potpisanu i ovjerenu Izjavu o obrazovnim i profesionalnim kvalifikacijama ponuđača, odnosno kvalifikacijama rukovodećih lica i naročito kvalifikacijama lica koja su odgovorna za pružanje konkretnih usluga. Nedostaju tačni podaci o traženim kvalifikacijama rukovodećih lica i naročito kvalifikacijama lica koja su odgovorna za pružanje konkretnih usluga (spisak radnika sa traženom kvalifikacionom strukturom zaposlenih kod ponuđača), a što je traženo tačkom 2.2.9 pod g) tenderske dokumentacije. Nadalje, nedostaje dokaz tražen tačkom 2.2.9 pod k) tenderske dokumentacije, tj. Potvrda kojom se dokazuje da je oprema odgovarajuće klase tačnosti i redovno baždarena i servisirana u propisanim rokovima (kalibracija uređaja se vrši u ovlaštenim laboratorijama za kalibraciju, a nakon kalibracije ovlaštena laboratorija je dužna da izda certifikat o kalibraciji sa rezultatima kalibracije). Ponuđač je dostavio samo formu izjave, što nije traženo tenderskom dokumentacijom.

Ponuda se odbacuje u skladu sa članom 68. stav 4) pod i) Zakona o javnim nabavkama, jer ista nije potpuna i ne ispunjava zahtjeve iz tenderske dokumentacije.

Ponuda ponuđača INSTITUT ZA ZAŠTITU I EKOLOGIJU RS-a Banja Luka je ocijenjena kao potpuna i prihvatljiva jer je ponuđač dostavio sve dokaze tražene tenderskom dokumentacijom.

U prilogu ovog zapisnika je bodovna lista o ocjeni ponuda.

Komisija je konstatovala da su ispunjeni zakonski uslovi za nastavak postupka nabavke i zaključenje ugovora o javnoj nabavci usluga – Periodični pregled i ispitivanje elektro i gromobranskih instalacija u PI i PPP Mostar i Radionica Dobošnica, za potrebe Javnog preduzeća Željeznice Federacije Bosne i Hercegovine d.o.o. Sarajevo, tender broj: UD-21084-1/2022, te je u skladu sa članom 19. Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine, Komisija dala p r e p o r u k u Upravi Društva za donošenje

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

Odluke o izboru najpovoljnijeg ponuđača i to ponuđaču TQM d.o.o. Lukavac sa cijenom od 11.000,00 KM (bez PDV-a), odnosno 12.870,00 KM (sa PDV-om), a u skladu sa članom 64. stav 1) pod a), Zakona o javnim nabavkama ("Službeni glasnik BiH", broj: 39/14 i 59/22), tj. kriterija ekonomski najpovoljnije ponude.

Uprava Društva je prihvatila preporuku Komisije, te je u skladu sa navedenim odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 5 (pet) dana od dana prijema iste, a u skladu sa članom 99. i 101. Zakona o javnim nabavkama.

Dostaviti:

- Pravni i kadrovski poslovi,
- Sektor za nabavke i prodaju/ x2,
- Sektor plana, analize i raspoređivanja prihoda,
- Ponuđaču/x4,
- Uz Zapisnik,
- a/a.

Predsjednik Uprave – Generalni direktor
Enis Dzafić, mr. ecc.



UIC 50

Bosna i Hercegovina

JP ŽFBiH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.